



Carolus ex nobili familia Vtēhouiorum Gandavi natus, & omni genere uirtutum optimè educatus est. Is cum felici ingenio conspicuus esset, parentum cōsilio operam literis dedit, atq; Latinæ, Græcæ, ac Hebraicæ linguæ ea diligentia incubuit, ut magnam earum notitiam sibi compararit, atq; adolescēs adhuc uiris doctissimis adnumeratus fuerit. Accedebat etiã uite integritas, & naturalis quædam facundia. Itaq; honestis quibusdã officijs decoratur, atque in patria res magnæ expediendæ committuntur. quæ quidem ipse singulari industria administrauit, ac ob uarias animi & corporis uirtutes omnibus innotuit. Quin etiã anim-

num ad scribendum appulit, atq; præter alia Nonni quadraginta octo libros Dionysiacorum ex Græco in Latinam linguã transtulit. Hoc modo Carolus in patria etiãnum feliciter pergit, atq; non modò Belgis, uerùm etiã exteris nationibus sua eruditione innotescit. Anon.